

La BCG prolungescha il partenadi da sponsoring cun il HCD

■ (cp) La Banca Chantunala Grischuna (BCG) ed il Club da Hockey da Tavau (HCD) prolungeschan lur partenadi che exista dapi il 1999 per ulteriurs trais onns fin il 2019. Uschia è la banca in dals quatter sponsurs principals dal club da hockey sin glatsch. La Banca Chantunala Grischuna sustegna il Club da Hockey da Tavau en il rom da ses engaschi da sponsoring dapi il 1999. Il president dal HCD *Gaudenz F. Domenig* sa legra ch'il partenadi da success cuntinua trais ulteriurs onns:

«Il partenadi cun la BCG dat a nus grond sustegn. Igl èn sa chattadas duas fermas marcas grischunas che sa tegnan ensem. E quai ussa gia dapi 17 onns, quai che na sa chapescha propi betg da sasez.»

Er *Alois Vinzens*, CEO da la Banca Chantunala Grischuna, sa legra da la prolungaziun dal partenadi da blers onns. «Il HCD simbolisescha per mai a moda impressiunanta cumpetenz, spiert da gruppa ed attaschadadad al Grischun – valurs, a las qualas era la BCG è

s'impegnada.» La banca cuntinueschia perquai cun persvasiun ses engaschi per il maister da records, uschia Vinzens.

La Banca Chantunala Grischuna n'è però betg mo interessada a l'emprima squadra dal HCD. Ultra da la partiziun dals giuvens sustegna la banca cun la GKB scola da hockey era la promoziun chantunala dals giuvens. La BCG surpiglia uschia responsabladad sociala e contribuescha a la promoziun dal sport da massa ed a la qualitat da viver en il Grischun.



La BCG stat er en ils onns vegnents davos il HCD.